

八瓊室金石補正續編

朝散大夫上護軍致仕羅適墓誌銘

高三尺五寸廣四尺四十九行行五十二字字徑六分正書在甯海

宋故朝散大夫上護軍致政羅公墓誌銘

奉議郎管句潭州衡南(山)嶽廟輕車都尉賜紫金魚袋舒

亶 撰

朝奉大夫知台州軍州兼管內勸農事上輕車都尉借紫樓常書

朝奉大夫新差知歙州軍州事兼管內勸農事上輕車都尉借紫湯 景仁 篆蓋

哲宗皇帝即位改元之二年

詔曰知開封府開封縣

羅適豈弟廉平出於天性視民疾苦如在于己朕惟京師大衆之地宜得仁人往體朕心可權糞遺開封府推官公事當是時天下曉然咸知

天子仁聖所以惠養元元之意至深厚而公行治暴耀俞範為一時公卿大夫之所嘆譽謂且用世矣既而推遷出入奔走使事凡十有餘年比還得對天子而公老矣於是遂致其事以歸歸之三年夏明適大旱公曰民病甚

也余雖老且得謝竊服

明詔所以褒諭甚寵夙夜念

不報萬分義終不忍以仕己貳其心頃令江都旱命浮屠氏作瑜伽法禱于揚子江神驗乃即佛祠用前法方禱者自夕

通旦擎跪曲拳百拜不少間因以感疾浸劇遂卒於其家實建中靖國元年辛巳八月十有六日乙巳也

公諱適字正之世為台州黃海縣人曾祖英祖德誠皆不仕父允明贈中散大夫公兩舉鄉書第治平二年進士尉舒州之桐城縣縣俗習病不知醫獨用巫治公一日屬群巫盡取所謂像設焚之庭下即捐私帑市藥以予民既又石刻方書以示後用舉者移兗州泗水令山東曠地數萬頃民佃居幾數千戶部使者欲取以規利以禍福撼公使任其事公力建不可使者卒感悟改著作佐郎知曹州濟陰縣居數月察訪使人飛語奏劾公輒奪官去父老詣闕訴留者殆萬

人 朝廷察之以天平軍節度推官還舊治閱二歲復
官如初守臣以公最上即徙知開封府陳留縣畿甸宿兵餘
數萬主將不得其情方春閏俄有以變告者僚佐惶駭噤不
敢出氣公笑曰妄人也即其衆杖之軍以無事 上遣

內侍刺知

德音為稱善邑當孔道四方宦游死不能

歸而旅殯佛廟殘骸破棺無復主名以數十計公請于

朝即縣之東南隅葬之有官於南方溺死其妻挈孤惻
念於道公館之傳舍解衣輟食衣食之卒移其所居州里親
黨使收恤以去開封府軍巡院官闕以公攝事院獄淹不決
寒餓疾病相枕藉吏玩為常公至則首懲其黠吏一疏其

連坐之無辜者出之斥案牘之無用者為衣衣之宿垢陳敝
不閱月殆盡

朝廷患市易積乾沒張職鈞考公與辟
為屬同列有忌公前數出異論者官長謀為君罷之公曰進
已退人非所願也去知楊州江都縣前此更七令皆不得以
理去訐牒日盈庭大抵緣通賦不能均公以保伍法集民廩
下給筆札使自列人人得其平淮俗類詆窳農情不勸公為
易置耕器身自教督之

朝廷議鹽法使者妄意欲以

強民他郡縣皆應矣公獨弗聽人莫不為公危之公曰為國
愛民令職也縱得罪何憾卒寢時近臣有薦公可任劇

召對久不報會大臣守楊最為知公者歸相

天子

於是擢知開封府開封縣就遷府推官未幾除提點府界刑
獄兼相度京西路水利畿邑溝洫久湮第歲積潦田至口
不得下公設法疏畎之民始不病廣南軍南里堤田凡數千
頃地形相傾水上下交為患公行視即下流釀為渠以注之
淮其功利居多 朝廷賞之公曰僚吏力也推不受雖

不行公志也兩浙道蘇秀水議者不一

朝廷遣東

使相視經理而又以公為提點刑獄佐其事經費不貲民力
殆不支公不及請輒發常平貸助之 朝廷為薄其罪

最後移京西北路提點刑獄熙寧中河北災

詔許流

民震荒土汝州幾數百戶至是或者規其地以冒佃告數吏

有司不能判公請如方田法民以真居蓋公少長田閒於民
事無所不知故仕官自初暨終更十任而六為長官其所設
施初雖若煩碎及其既久上下情得是非曲直至則辨察事
無小大罔不飭舉教條所下吏服民聽如父詔子以至四為
監司一切務在恤民隱戒督官吏必先虛恕而於水事尤為
不苟有勞以故所至稱治去則人思之多為生立祠而論者
以謂有古循吏之風信然公資渾厚質直不華臨事巖巖信
理直前不肯為利害俯仰聞人之善輒與成就唯恐不力急
人艱厄勇往不倦如赴嗜欲奉祿所入應手隨盡未始為子
孫後日毫髮計其事親孝於兄弟友待親戚交舊篤恩義立

然諾異母兄欲異財聽其所欲取季第死為擇婿嫁其婦
嫁其女如己出初未知學自大母族黨發之其後家因為撫
育其孤女妻之士族嘗學於鄉先生既死與教養其子至分
俸以舍之太學少舉進士與友生偕上中道輒卧疾他皆委
以自使公獨留不去故人死久不能舉唱鄉人營宅兆卜日
月哭泣以葬之有使者數侵公他日公出使乃在部中初疑
其不能忘也公曰本自不記無可忘者蓋公義節厚德類如
此而多至不可勝數平日與客語常謂憂人之憂然後可以
樂其樂蓋其意向所在大抵不以私自營晚雖退休志猶不
衰而其餘力長智若尚可以為世用近臣使者方且交章而

公亡矣人莫不惜之公好古強學雖老不廢書當嘉祐治平間學者方事聲律而公已能用意經傳然頗獨嗜易其所為注解合其他歌詩章疏碑碣雜文僅百卷雅意藏書凡遺文古事與夫

國朝新書家多有之晚歲奉佛尤嚴云公享年七十有三官自著作佐郎換宣德郎七□為朝散大夫勲至上護軍服五品中散公兩娶前吳贈慈溪縣太君後周贈金華縣太君公即金華出也娶周封永嘉縣君男六人四亡曰瑛曰球皆為太廟齋郎女九人一亡長歸陳師漸次陳惇次王庭筠次朱克皆舉進士一在室餘尚幼以崇圖元年壬午三月初七日壬辰歸葬于圃海海游之東原公雖世居

聞海而姻舊多在明且愛其湖山可樂去墳墓為不遠遂家
焉比計至於其鄉父老為置位聚而哭者凡三日余與公少
同筆硯又為同年生又嘗為同僚今又為同里投分實四十
年自公寢疾得日造其門迨治命與之握手而訣且詰其所
欲屬我者曾不及他夫豈謂余自足以深知其心而不待言
與故當其葬也為具論其平生泣而為之銘曰

允矣羅公 其德孔夷 維人之憂 弗苟弗隨 維聖

天子 民瘼是咨 大衆之區 曰唯京師 其往贊哉

莫如汝宜 孰荒我田 有黍離離 水行地中 自公

未尸 耄稚舞歌 匪唯無飢 凡利在人 弗問細微

暨厥行路 枯骨弗遺 內外咸䟽 豈不異施 我罔
不盡 忠利愛慈 百爾士夫 孰一于茲 公取而足
其賢可知 撫撫故原 公手其歸 國我邦人 百世
是思 爰憇彼邾 其生有祠 配古社神 春秋祀之

四明陳鉅□

陝州新建府學記

高七尺廣三尺六寸二十七行
五十三字字徑一寸三分正書在當陝州

陝州大都督府奉

詔新建府學記

朝散郎權叢遣陝州軍府兼管內勸農事兼提舉商虢州
兵馬巡檢公事驍騎尉借紫臣張勣撰并書

崇寧元年秋七月

天子大修熙寧元豐政事考慎其相以翰林學士承

旨

臣京為尚書右僕射兼中書侍郎

諭所以繼志述事之

意者後數日復下手詔詠求天下之務命即尚書省置司講
議辟除佐屬無問從官大吏咸使淂自選擇條具凡目非一

而法度之所施繇學校始臣竊伏觀之自昔聖帝明王所以
治登太平號稱最隆極盛者曷嘗不本諸此易曰觀乎人文
以化成天下帝莫盛於堯王莫隆於周蓋孔子之稱堯曰魏
巍乎其有成功煥乎其有文章其稱周曰周監於二代郁郁
乎文哉吾從周然則文者治功之成禮樂法度無不完具要
其初所以美教化成風俗舍學校則無以為矣夫道揆明於
上然後法守嚴於下此所以道德一而風俗同于斯時也天
下為一家中國為一人非獨為士者之得而人莫不有士君
子之器理勢然也自鄉舉里選之法廢為士者大抵失其本
守矣遭秦滅書籍文喪天地之全性命之蘊學者無自而

稽見漢雖購求亡逸表章六經然專門傳授統類不一而傳注更為之蔽至唐取士以蟲篆之技達道愈遠經籍之傳不亡而泯士雖有聰明智識之質孰從而成之伐精神於塞淺無用之習聖人之怕歸漫莫之知非夫不待文王而興者惡能自拔於流俗哉斯弊也非一日之積也

神宗皇帝天縱聖神文武超觀前古慨然深悼其弊一剗而革之時則有若丞相臣安石實始厥謀乃命以經術造士大興學館置官師分三舍以明教養之法士得釋無用而致有功去塞淺而抗高明聰明智識有以啓發真賢實能由道術德業為世顯人先後接武而奮疊疊乎鄉三代之風矣猶有

未者以俟

後聖而廣績焉

主上躬睿聖之姿克紹其德追念

先烈緝而熙之且欲

士者漸復鄉舉里選而賓興之也上自朝廷外逮郡縣增築
館舍廣教導之負厚廩餼之給凡郡縣長佐諸路刺舉之吏
咸有職事于學勸禁之方纖悉備飭有司承奉

詔旨罔

或不虔陝舊有學本唐開元中夫子廟記識具存而圖經稱
後魏所建莫可考驗地編巷窮制度卑陋介於民居之間不
容展斥大懼非所以稱

明詔乃相而遷之得州子城之

東稍北故鑄錢監地基步備廣面勢軒豁遠去閭閻而井邑
塗陌皆直其下屹然獨據一隅陰陽允臧不考而合度前為

臺門三重內挾以東西大序亘以南北之廡講書議道皆有堂祭器經籍錢糧皆有庫為庖廡於東序之外為小學於西序之外為先聖廟於外門之內東偏為教授位於外門之內西偏皆南向而使門東西向繚以土垣再周耽耽翼翼咸應程度入其門者廊如也外其堂者肅如也震其室者申如也蓋經始以二年五月庚辰而落成以七月壬辰先是工人佻圖計材所須甚博惠不可辨距城之東十里得入官民地有林木喬挺皆累數十年雨露之所養一伐□巨材所須無不充足前此未有睨之者豈固有所待耶嗚呼幸哉士之生斯時也其居有廬其承有師其食有儲月選歲考勤勤眷眷□

父兄之詔子弟然道藝之成也又以爵祿從之出使長入使
治達而論道於王以下膏澤於斯民以顯榮其親以垂名於
後世皆縣此塗出也嗚呼顧非幸歟臣之始至學未有定議
越三日謁先聖見諸生祇修厥職仰惟

聖上德意深遠加惠天下亡窮惕不敢後退帥僚吏相與協
力亟營之維不費於公不擾于民不日而功成有司職也夫
何足道然作始之歲月使來者有考不可以無述謹推原本
末而書于石臣 勵 謹記

十月十二日立石

崇甯興學聖德頌碑并兩側進頌表

高五尺八寸廣三尺四寸五分兩面刻二十五行行各四
十四字行末各闕二字字徑一寸二分正書在順德府文
廟內

崇甯興學聖德頌

越州山陰縣主簿充邢州州學教授臣范致君撰進并
書

上即位之明年總覽權綱昭察正柱沉潛淵默獨斷不疑邦
朋善類陟降庭直又明年建元崇甯以應緝熙思闕天上帝
眷命有宋之意俾丕受大業繼承繼述我神考之休緒
永念先烈昭格天地卓越萬古究其源闕始于學躬資

德音出自 聖意專命左右輔弼之臣詳延修潔洽聞之士
規□三代賓興之典儀刑元豐□開制討論參議著之功令
因舉舊章而興焉有司既以新書上聞越一年正月之吉始
和請頒行之制曰可□開詔書通古今之義明人倫之至品
式備具 訓辭溫厚首善自京師□達于郡縣□國之陽大
闢黉舍以延□開邦國之賦志以養士廣厲學官風勸天下
四方欣欣莫不洗心滌慮□承 休德嗚呼盛矣□□故全
趙之邦_開左齊陰燕陽魏襟帶常山之麓肘腋大河之津山
川氣象人材風教□古號為全盛之都□□豪傑特起之□
_開傳記不可勝數自五代□□□□辭華邢為用武之國藩

臣跋扈幾□而□流於左社厥今□下承平百五□開祖宗
涵養休息之澤厚矣 神宗皇帝始變彫蟲篆刻而易之以
經□蓋自熙寧迄□□□垂三十年諸科之開既革而類多
藝文之士風行俗成其効可見豈特此哉今 陛下遵□揚
功尊崇儒術上稽唐虞下卑秦漢開商崇化厲賢惡駁難
而務醇粹明好惡以正是非 裕陵之木雖拱 雲漢之章
昭回于天 陛下以道覺民開聖心獨得其鼓舞之妙精神
之運經緯天地播蕩民心莫知所以然而然者蓋自成周而
下願治之君皆不足開此茲實二帝三王之舉天下學者承
餘光被嘉惠乃千載不可逢之休運而□隆之道允謂非

常之功雖闕德茂加此矣郡守臣許與其副從事臣正卿既

奉詔而興學乃命臣致君述以文辭臣仰惟天德

清闕畫者無所施其巧日月出矣燭火者豈足以益其光臣

伏思厥官職在教□□宜揄揚論次作為雅歌刻之金闕于

郡學以形容天子之美臣謹稽首再拜而獻頌曰

宋受天命畢臣萬方一祖方宗業熾而昌緒繼承承其

祚無疆藝祖□造太宗紹隆戡亂以武車書闕矢其文

德地大物豐舊染穢程濯以清潔僭偽鼎峙屈膝殄滅養之

以□如春之融□之以明如日之中真闕辨登封降禪垂

衣拱手恭己南面穆穆仁宗功成治定博愛兼容出□天

性 英廟□翼剛毅靜密篤生

神宗順帝之則大統未集 泰陵紹基其明斤斤其功魏魏

復命 皇□ 潛邸 龍飛天錫純嘏以緝以熙開 皇帝智

極象數其德文明以身為度永言孝思憲天稽古惟我 神

考□ 躋□ 造睿哲英英對越穹昊六經之開 頌典謨禮樂度

數洛書河圖神而明之全蹄遽廬後世學者困于傳注□ 緯

般亂申解難□ 邪說誣民罔知所開 我 神考發揮義訓鈞

深致遠窮理盡性室者斯通隆者復振□ 其狂□ 川流翕順

障而東□ 咸歸于正法□ 上開 以 由漢興唐苟且為治孰能

更張惟我 神考盡治盡倫或損或益或革或因問于盛衰

久而弥新用之無弊不闕人如燧取火可傳於新惟文造周

濟濟多士秉文之德不顯六世菁菁者我樂育人材邦□之

基有臺有萊宣闕興薄言采芑新田所取或任或使惟我

神考陟彼景山取人以身寢成孔安棧樸雖微用□□遺金

玉雖美闕琢之道無不容小大得宜惟此盛美煥然昭俾原

始要終皆本于學敬之□□□就月將惟我神考道貫百

闕本生知侔堯並湯文王質文徵柔懿恭靈德及物於樂辟

雖武王宅鎬自西自東豐□□□繼志績終惟我闕光明

經術頌之學宮是訓是迪人材既充率此羣匹成法憲章可

遵可述罔有二三□心□一皇帝願位灼闕體大恢儒館

烝我髦士至誠惻怛形于詔旨厥惟漢武投戈息馬論道

講藝尊崇儒雅□若皇帝運以聖闕言心成其衡克遏厥

惟顯宗雍泮恢儒橋門冠帶實繁有徒孰若皇帝賓興賢

能乃書乃考職于成均德行闕咸以序升真賢實廉有翼有

憑厥惟正觀番酋子弟慕義入學殊方並至孰若皇帝顯

顯令德用夏變夷王闕極聲教所暨下土之式時君世主溺

於所好異端設行錯亂顛倒儒為城旦離以黃老孰若皇

帝適乎正道闕聖王撫御宇大寶以善養人其治皞皞漢夸

西都城隍苑囿甘泉建章橫絕宇宙太液昆明珍禽異獸

皇帝儉闕遠聲色敦朴寡欲貨利弗殖離宮別館靡加崇飭

惟闢賢闢以臨萬國東都主人盛稱河洛明堂煌煌靈臺胥
闕關雍五學矜耀制作 皇帝聖明高見遠舉虞庠東膠夏校
商序規摹雄偉治諸韶護非美輪奐以道為主人觀關聖作
物觀惟學之興洋洋頌聲守令承流是經是營普天率土不
日而成惟學之興設官分職內增博士外廣關分布列郡負
倍於昔一日除吏數踰百十究宣 上德彬彬藉藉冠關相
望肩摩輟學惟學之興僻陋巖穴抱關墳雲集鼓篋方領矩
步有俊有傑來游來歌講解誦說惟學之興在關城闕舞雩
而詠或啓或發父詔子從兄關悅人自愛阜家自稷契惟學
之興采藻采芹獻馘獻因魯頌是陳美成在久遐不關惟

學之興道化既行被開海蕩蕩難名西及流沙北逮朔荒重
譯萬里朝鮮夜郎悅德歸義或梯或航惟學之興開霆發榮
爲飛魚躍開鳴醇酒飽德坐致太平樂且有儀持盈守成
皇帝曰嘻彌綸範圍裁成輔相神而化之開物成務惟幾
惟深開回慮服形齋心咀嚼道味并包書林上理乎天三光
宣精下理乎地山川以開萬彙由儀魚鼈咸若太微輝輝開
昭灼物無札瘥歲仍大獲穆穆清廟春祠夏禴爾雖顯相王
公伊濯休矣 皇考告成用酌肯堂肯構神祇開 皇帝曰
嘻惟國之陽大建黃宇海沕湯湯圓開高峙帝藉在傍郊祀
祀之歲和鷹鏘鏘 法駕還宮 予其視學開訪道考禮開

樂 皇帝曰嘻 予敢弗恪於斯之時儲精蠟澣通追來孝
處泰彌約燕及皇天萬壽攸酢

朝散大夫通判邢州軍州兼管內勸農事上騎都尉賜
緋魚袋□ 正卿

四方館使泰州團練使充真定府路兵馬鈐轄兼知邢州
軍州事 管內勸農使上護軍李 許

碑兩側進頌表

高同厚一尺五行行三十一字行
末闕二三字不等字徑二寸正書

進崇圖興學聖德頌表臣致君言臣聞賢關流化辟雖莫盛
於鎬京□□ 闕 水獨稱於魯國學既共於三代道乃同於百

王順詩書禮樂之文設黨□闕□俾考察其行藝以興賓其
賢能茲實太平之原允為盛德之事恭惟

皇帝陛下睿質高遠天資懿明日就月將深造聖王之學功
成治定發揮道闕光乃稽元豐之舊書用廣崇甯之新制雲

漢昭倬咸觀法象之章芹藻沉涵闕以上一刪鈞陶之化臣致君

猥緣儒藝濫備學官採兒童之謠欣逢盛旦第從臣之闕斐

詞謹撰到崇甯興學聖德頌一首并序謹繕寫投進以紀

陛下紹法闕□宗皇帝之孝德干冒冕旒臣無任瞻天望

聖懼呼數舞激切屏營之至臣闕誠惶誠恐頓首頓首謹言

大宋崇甯二年歲次癸未□月十五日立石

按范致君即臨摹重刻宋璟碑者 鐵輔碑目作范致能

誤
通志 鐵輔

徽宗賜辟廱詔後序

高四尺六寸廣三尺二寸二十九行行五十字
至五十二字不等字體八分行書在彼縣學

皇帝賜辟廱詔後序

承議郎試大司成兼

侍講武騎尉保甯縣開國男食

邑三百戶賜紫金魚袋臣薛昂奉

聖旨撰并書

崇甯元年

上總覽庶政慨然欲大有爲將躋斯民咸底于道迺下

詔曰學校崇則德義著惠義著則風俗醇其大興黉舍于天下又

詔即國近郊建置辟廡匠臣抗圖

上曰古者學必祭先師茲聚四方士多且數千宜增殿像于前徙經閣于後布講席于四隅餘若爾規厥既得

旨

則經營越三年工告成

車駕幸焉祇見

夫子于大成又

詔國子司業

臣綱臣靜曰朕撫至懷親著翰墨賜之璧水申勸無窮小大之臣下逮韋布鼓舞頌咏咸以觀所未嘗為幸藏之層構勒之翠殿明年臣靜又請序其後

上命臣昂曰汝其為之臣不獲辭乃拜手稽首言曰唐虞三代尚矣歷世既遠教法不存然上下之庠東西之序左右之

學與夫東膠虞庠或在國或在郊又曰成均曰未廋曰瞽宗
曰辟廱蓋皆設於王都者如此至於鄉遂則又各為庠序學
校嗚呼何其詳且至也秦漢而降治失本原禮樂化微師友
道喪人才卑陋有媿成周蓋無足恠

於皇神考稽古御時闡太學建三舍論選有法士變宿學而
新美矣

皇帝陛下祖述憲章咸在

先帝收科舉於學校推三舍于四方肇立司成專遣膚使

燕見訓諭 載色載笑

獻意所屬可謂至矣於是時也士患不學不患無所於學人

患不才不患無以成其才方策所傳歎不可得於今親

見如出其時豈不盛歟然昔脩成於積世今掩迹于一

時昔大比於王畿今賓興乎海寓非天錫

聖上勇智照於理而不惑斷以義而必行則希世隆典豈易

悉舉哉臣待罪徒官以總領師儒爲職誠不自揆仰

聖政之丕成慶多士之幸會忘其淺陋昧冒稱述姑以塞

明詔焉若夫

雲漢之章河洛之書願豈筆舌所能形容彼目擊心諭

得法象焉則無爲而成其猶天地歟臣謹序

奉議郎試辟廨司業武騎尉臣何昌言承議郎

守國子司業兼同編修國朝會要武騎尉賜緋魚袋臣

強淵明

朝請郎守國子司業雲騎尉臣汪漸

奉議郎試

辟廱司業臣余深

朝散郎試中書舍人雲騎尉賜紫金魚袋臣蔣靜朝

散郎試中書舍人飛騎尉賜紫金魚袋臣吳綱

司空尚書左僕射兼門下侍郎上柱國衛國公食邑六千

八百戶食實封二千戶臣蔡京奉

初題額

從事郎知德州安德縣丞營切管白學事教閭保甲權

州學教授臣葛

長卿

以下四行
字裁小

通直郎通判德州軍州管勾學事察視保甲兼管內勸
農事借緹臣牛 蓬

石中散大夫知德州軍州管勾學事兼管內勸農使上
騎都尉滎陽縣開國男食邑三百戶賜紫金束袋臣賀

宗賢奉

聖旨立石

教練使臣孫延太臣耿著撰刊

徽宗賜辟廱詔已載補正此序刻詔石下截 先大夫
未之得也山左志據序三年告成車駕幸焉語證以本

紀康碑於崇甯三年十一月案字訪碑錄因之繼輝按
序稱崇甯元年下詔越三年工告成明年將靜又請序
其後上命薛昂為之則刻石當在崇甯四年矣山左志
工告成工過誤今甯興乎海篇甯誤甯寫誤寫當訂正

徽宗賜辟靡詔并後序

攝本三錄詔一錄高二尺五寸後序一錄高四尺七寸五分廣各三尺三寸詔十五字行二十一字後序及銜名二十六行行四十五字字均徑一寸末有主石銜名三行字徑五字六分當在武定府

皇帝賜辟靡詔

六字兩行字徑五寸

詔

尺補正已錄此刻寸行字悉同

皇帝賜辟靡詔後序

序及序前薛昂題銜序後何昌言強淵明汪漸余深將舒吳姻蔡京等銜名皆與陵縣本同此刻字多闕初陵縣本特舒先善故錄文於彼而此從即

從事郎充本州州闕下

宣德郎權通判□州軍州管勾學事兼管

宋崇寧四年

兼管內勸農事兼察視保甲武騎附

左中散大夫知才州軍州事管勾學事兼管內勸農使
提舉濱德博□巡檢公事雲騎尉安陽縣開國男食邑
三百戶賜紫金魚下

聖旨立石

右徽宗賜碑牌詔并薛昂後序山左金石志兩浙金石
志皆載之案字訪碑錄列目凡四一山東陵縣次崇甯
元年一山東陵縣次崇甯三年十一月一浙江山陰次
崇甯四年一山東鉅野次大觀元年山陰一石即兩浙
志所錄陵縣二條即山左志所錄孫氏誤以一石為二

也鉅野一刻與此本畢阮二公皆漏採此本未詳何在

文字行款與陵縣山陰二本悉同蓋當時普頒諸州墓

勒者也後序石多刻脚據山陰志此碑末五石銜名三行各斷

闕數字前一行充才州次行通判□州軍州三行知本

州軍州事及提舉瀆德博□巡檢事俱鑿去一字案宋

諸州從木旁字者十有二以瀆德博□參之知是棣州

棣在瀆德二州之間同屬河北道也鑿去棣字蓋在明

永樂年以成祖御名棣故耳棣州唐置宋因之明初改

樂安州宣德元年改武定州今為武定府治然則碑當

在武定矣詔書播告之修山左志以修為條之誤先

大夫已糾之按兩浙志跋亦有是語阮公經學冠絕一
時何以黜廣爲文一再失憶如是

徽宗賜辟廱詔後序

頤及上載詔書失拓此本高三尺七寸五分廣三尺八寸
前標題及題名三行序二十一行行三十八字後題名十
行字均徑八分正
書在順德府學

皇帝賜辟廱詔後序

序及前撰書人序後題額人以
前各銜名並與前二刻同不錄

邑三百戶賜紫金魚袋臣薛昂奉

聖旨撰并書

序見前不錄

奉議郎試辟廱司業武騎尉臣何昌言

承議郎守國子司業兼同編修國朝會要武騎尉賜緋

二
與袋臣強淵明

朝請郎守國子司業雲騎尉臣汪澣

奉議郎試辟

廡司業臣余

深

朝散郎試中書舍人雲騎尉賜紫金魚袋臣蔣靜朝
散郎試中書舍人飛騎尉賜紫金魚袋臣吳綱

司空尚書左僕射兼門下侍郎上柱國衛國公食邑六千
八百戶食實封二千戶臣蔡京奉

勅題額

文林郎充邢州州學教授臣曾弼

朝奉郎簽

書安國軍節度判官廡公事兼同管勾學事雲騎尉

賜緋魚袋臣鄭深

通直郎權通判邢州軍州管勾學事兼管內
監牧勸農事兼察視保甲兼專提舉黃河埽岸賜緋

魚袋臣胡泳

供備庫使充真定府路兵馬都監權知邢州軍州事
兼管內監牧勸農事兼專提舉黃河埽岸上護軍平
涼縣開國男食邑三百戶臣李恆

崇寧五年七月初一日立石

社頭王政等題名

摩崖高二尺九寸廣一尺五寸四行
行十字十一字字徑二寸餘正書

時大宋崇甯四年歲次乙酉六月十七日大水在村念法華

經社遊此社頭王政 丁安政 劉琮 劉平 李握

永記之 三字別一紙不知何屬

郭革等施柱助緣記

高三尺五寸柱不知幾面而廣三寸餘一而二行行十五
六字字徑寸餘一面上二行行十字下一行六字俱正書

大宋崇_圖五年歲次丙戌七月庚寅朔初三日郭革自脩重
添此柱并壘外石牆

當村□宣德男天民助緣并特置牌額綽楔門二座

匠人國□張臯

附楊景略等題名

二面廣與前刻同疑係一柱面各一
行行十二字字徑一寸七分正書

左諫議大夫河南楊景略康功

禮賓使太原王舜封長民奉使

水裏保龐氏等施石柱記

柱一面高二尺廣五寸三行行
十一字字徑一寸四分正書

崇寧五年七月初三日

左行

水裏保居住紀貢龐氏馬氏王氏郭氏尼寶勤共施柱一條
歲次乙未五月八日記

右石柱記與前柱當在一處乙未為政和五年

新初鎮宅誓妖魅神碑記

高二尺六寸七分廣二尺二寸二十三行
行約三十四字下截殘初字往六分正書

新初鎮宅誓妖魅神碑記

竊聞佛□于世利樂有情我佛方便之門解脫千□□_{初下}乃

正直皈真能救萬民之冤濫_{初下}看仗神□佛已靈明_{初下}除魔魅

蕩掃妖精解除一切_{初下}遭能免非災橫禍但凡夫_{初下}天地蓋

載之恩賴日月有照臨之□□性□□當憂□葉□_{初下}造神

碑者並影隨心供養所求如意_{初下}今有大宋綢南_{初下}旁地

內居住淨信弟子郭元貴一家尊少等先自往□已□_{初下}祥

人口損傷財帛_{初下}達□田蠶少收六畜不亨遂詣明師□□□

○洺下男郭文和先於元祐年內在涪州衆○難○便死亡○

○洺下致○傳屍復連累及弟郭文珙并田二娘所懇勞

疾○洺下數有似洺下夜憂惶在念無門懇告特啓誠心抽拾洺下○

○洺下新婦○二娘等冤識莫作傳屍○連○男自是○洺下

向千尋窟內休慕凡間速改嫉妬之心莫作謾遍傳屍之念

○洺下三塗莫○苦趣之間早往彌陀之殿散誕向於无

憂○洺下之○勸絕愛增之念○年自往他

邦万劫不生於○洺下是洺下及五姓百雜香油刀

兵虛空孤林下道南臺一切鬼○洺下合地洺下女姑遠年近歲

少死嫩亡男群女鬼諸般虛耗百雜鬼○洺下地內土生之物

願起惡心者返受其殃並願郭元貴知此神碑湖下淨界道遠
快樂從此向向去改始心而變作真心脫獸軀速成於佛
林湖下天寬家早出三塗岸並願生生世世永無冤對勸絕根
源置此靈湖下已千灾永散福祿增添錢財歸集富比石崇
祈乞年年二登万倍歲々五種湖下求公私泰讚曰
鎮宅靈碑功不可說誓湖下禮經表慶唵
呪獲除謹通勸絕湖下違此誓破烈湖下

崇禎五年七月十五日

章吉老墓表

高四尺八寸廣三尺九寸十五行行二十二字
至二十四字不等字徑一寸餘行書在無為州

炎宋章吉老墓

額題六字字徑六寸七寸

無為章吉老墓

承議郎行學博士飛騎尉賜緋魚袋朱 芾 表

神農有熊氏或以揀民為道上聖神靈生而知之簡易無文
後垂聖賢相師或□機若心得其至也雖千年若合符契故
孔氏謂安知來者之不如今又曰聖人有所不能知夫陰陽
儲精神而明之可不妙哉無為章氏迪字吉老洞精鑒書而
得針剡術於素問內經之間以其道揀人者壽至七十九莫

不□□透膜隨針病已華□氏不能過也又以其道授子濟
濟誓拯三千人因不復針又以父道付子惟吾聞士大夫多
道濟權起病如神逮得守符觀所嘗試會濟請以吾友周元
章撰埋誌不復多得領表墓道遂直書其事吾不及識君觀
其子孫廉介自守不以藝取人知君隱施夫行符藥除病拯
人□害物者上清有錄許氏陽鷄犬亦仙去後之人勿替其
□來□墓下讀吾文者勉之

大觀元年歲次丁亥丙午月丙戌日男 濟 立石

學校八行八刑碑

高五尺一寸四分廣三尺二寸三分三十行
行五十二字字徑八分正書在邢臺文廟

御製學校八行八刑條

篆額題三行
字徑四寸

大觀元年三月十八日奉

御筆學校以善風俗至聽齒於諸生之列

大已載革編惟第六條有異餘皆同故不錄此本前序
六行頂格條目二十行每條首行低二格次行又都下二格

第六條依太學貢士擇褐法取旨推恩革編錄與平中等依太

學上上作等法待殿試年推恩無此六字下等依太學中中作等

法

大觀元年六月十五日奉

御筆八行八刑施之庠序以善風俗厚人倫可刊之州學以教天下之忠孝

將仕郎邢州堯山縣主簿推州學教授臣劉全

奉義郎權通判邢州軍州管勾學事臣王似

二人在末

二行上截從書
建二人在下截

從事郎充河北西路提舉學事司管勾文字臣趙

湯書

西上 閣門使知邢州軍州事臣王傳建

哀國臣白信刊

右徽宗御製學校八行八刑條當時編頒天下郡邑勒

碑示之今見於金石諸書者陝西六本山東九本河南
三本江蘇一本此刻在直隸邢臺畿輔通志有之他家
多未容及第六條與萃編錄興平本小異其瀋化高陵
臨潼三本王氏未錄其文 先大夫補正所載臨潁本
亦未有文榻本遠在故鄉無從檢對同不同未可知也
就條目絜之當以是刻為正不解當時何以兩異

張司空等建香爐題記

高一尺拓字五面而廣不一共十一行行字大小不等正書在唐縣西北八十里金牛寺

大觀元年□亥歲

八月九日重修建香爐一坐

以上一面廣四寸

定州唐縣仁樂鄉嫌薄村

維那頭張司空次維那張欽

以上一面廣二寸五分

□閭鄉故城村維那頭李德張祐

維那楊倩 王福 □仲 以方 王善

劉晟 孫變 薛□ 劉學究 以真

以上一面廣四寸

曹倩 李立 □志 安清

秘道姑 李□

□李

以上一面廣二寸五分

撻香炉人等

□□

宋清

劉真

李真

李用

趙千

以平

宋友

以上一面廣四寸

米芾淮山避暑雜詠

下截斷闕存高二尺三寸廣二尺十四行行存十五六七字不等字徑一寸三四分行書在定州學

淮山避暑雜詠

中岳外史米

芾

此在下截

試茶

題上室四字下同

文器玉毫明瓊霏出素輕竹捎雨脚壅湯

下斷闕五字

散雲留子

咽甘露有兄連與何家客美酒

闕

遇郭剛兼別寄

帝所勞清夢山榭正素居永懷新別友

闕七字

方誰問青錢選

未疎公卿多謝客誰

闕

附

附宋大觀元年

即事

秋色動巖顏雄駘暑客頑落霞遶徹水

闕六字

酌貧囊罄狂吟

老思慳臨風對奈侔

闕

呈章清

十日淮南雨炎涼氣遂分天開還白日風勁

闕四字

扇情初斷

黃華興欲醺江東將載酒千里

闕

淮山雜詠米芾書見天下金石志

京畿金石考

定州學淮山雜詠米芾行書無年月直隸曲陽

篆字訪碑錄

繁詩即米芾撰訪碑錄列入曲陽誤

通志篆錄

碑無年月孫氏次大觀元年從之

孔廟題名二段

林棐題名

高一尺五寸廣一尺四寸四分
行六七字字徑一寸八分行書

溫陵林棐謹謁宣聖祠下大觀三年三月十八日男稷孫黃

老侍

高士腫題名

高一尺七寸廣二尺七寸
行書左行

□點刑獄高士腫宣和四年十二月十四日恭拜

十一

祠殿監司管勾文字張觀復弓箭社勾官趙子侃同行男公

河公漢侍